

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI

KIKAO CHA TANO

05 FEBRUARI, 2018



ORODHA YA SHUGHULI ZA LEO

MKUTANO WA KUMI

KIKAO CHA TANO – TAREHE 05 FEBRUARI, 2018

I. DUA:

II. KIAPO CHA UAMINIFU:

Mhe. Dkt. Adelardus Kilangi

III. HATI ZA KUWASILISHA MEZANI:

**MWENYEKITI WA KAMATI YA KUDUMU YA BUNGE
YA MIUNDOMBINU:**

Taarifa ya Kamati ya Kudumu ya Bunge ya Miundombinu kuhusu Shughuli za Kamati kwa mwaka 2017.

**MWENYEKITI WA KAMATI YA KUDUMU YA BUNGE
YA NISHATI NA MADINI:**

Taarifa ya Kamati ya Kudumu ya Bunge ya Nishati na Madini kuhusu Shughuli za Kamati kwa mwaka 2017.

IV. MASWALI:

OFISI YA WAZIRI MKUU:

55. MHESHIMIWA OSCAR RWE GASIRA MUKASA (BIHARAMULO MAGHARIBI):

Atamuuliza Mheshimiwa Waziri Mkuu:- Watanzania wenye ulemavu wanakabiliwa na kero mbalimbali za kimaisha ikiwemo ukosefu wa ajira kama ilivyo kwa Watanzania wengine; aidha, zipo changamoto za jumla kama vile kijana mwenye ulemavu wa ngozi asiye na ajira ana changamoto ya mahitaji ya kujikimu na pia ana changamoto za kipekee za mahitaji ya kiafya na kiusalama:-

Je, Serikali inatoa kauli gani kuhusu umuhimu wa kuwatazama vijana wenye ulemavu mbalimbali kwa namna ya pekee na kama zipo sera na mikakati ya kiujumla kwa vijana wote nchini.



OFISI YA RAIS (TAMISEMI):

56. MHESHIMIWA DAIMU IDDI MPAKATE (TUNDURU KUSINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika Jimbo la Tunduru Kusini kuna Vituo 3 vya Afya ambapo Kituo cha Afya Mtina kina zaidi ya miaka 30 hakijafanyiwa ukarabati na pia hakuna wodi ya wazazi:-

Je, ni lini Serikali itajenga wodi ya wazazi katika Kituo hicho na kufanya ukarabati ili kiweze kutoa huduma bora kwa wakazi wa Kata za Nasya, Semeni, Nyerere, Angalia na wakazi wa Kata ya Mchesi Vijiji vya Likumbula, Tuwemacho na Namasakata.

WIZARA YA AFYA, MAENDELEO YA JAMII, JINSIA, WAZEE NA WATOTO:

57. MHESHIMIWA HAWA MCHAFU CHAKOMA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

Je, Serikali ilimaanisha nini kusema kuwa matibabu ni bure kwa kinamama wajawazito.

58. MHESHIMIWA YAHAYA OMARY MASSARE (MANYONI MAGHARIBI):


Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Sasa hivi baadhi ya Watumishi wa Halmashauri kama vile Wakurugenzi na wengine wanapostaafu hupatiwa Kadi ya Bima ya Afya pamoja na familia zao:-

Je, Serikali ina mpango gani wa kuwapatia kadi kama hizo Watumishi na Viongozi wa Serikali waliostaafu kabla ya utaratibu huo kuanzishwa ikizingatiwa kuwa wengi wao walilitumikia Taifa hili kwa uadilifu na uaminifu mkubwa.

59. MHESHIMIWA CONSTANTINE JOHN KANYASU (GEITA MJINI):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Liko tatizo la uhaba wa dawa na Madaktari katika Hospitali ya Rufaa ya Mkoa wa Geita:-

Je, Serikali inachukua hatua gani kuhakikisha kuwa dawa na Madaktari wa kutosha wanakuwepo.



WIZARA YA ULINZI NA JESHI LA KUJENGA TAIFA:

60. MHESHIMIWA MARYAM SALUM MSABAHA (VITI MAALUM):

Atamuuliza Mheshimiwa Waziri wa Ulinzi na Jeshi la Kujenga Taifa:- Majengo ya Kituo cha Afya cha Kambi ya Jeshi Migombani Unguja ni chakavu na pia ni ya siku nyingi sana:-

Je, ni lini Serikali itajenga Kituo hicho ili kiwe cha kisasa na kiendane na wakati.

WIZARA YA UJENZI, UCHUKUZI NA MAWASILIANO:

61. MHESHIMIWA JOEL MWAKA MAKANYAGA (CHILONWA):

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali imefanya kazi kubwa kujenga mtandao wa barabara za kiwango cha lami nchini, kipindi cha nyuma barabara kuu zilikuwa zinawekwa matuta ili kudhibiti ajali lakini hivi karibuni Serikali imefuta utaratibu wa kuweka matuta kwenye barabara hizo na hivyo kuwa chanzo kikubwa cha ajali zinazosababisha majeruhi, ulemavu na vifo. Kwa mfano, eneo la Bugiri Wilaya ya Chamwino lina ajali nyingi kutokana na barabara kukosa matuta:-

- (a) Je, Serikali haioni kuwa kuna umuhimu wa kurejesha utaratibu wa kuweka matuta kwenye barabara kuu;
- (b) Kama utaratibu wa matuta hauwezekani; Je, Serikali haioni kuwa kuna haja ya kuyaondoa matuta yote kwenye barabara kuu ili kuondoa malalamiko ya Wananchi kwa Viongozi wao kwenye maeneo ambayo hayana matuta.

62. MHESHIMIWA MUSSA BAKAR MBAROUK (TANGA MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Tanga kuna uwekezaji wa Bomba la mafuta toka Hoima – Chongoleani, Viwanda mbalimbali vya Saruji, Vivutio vya Utalii vya *Amboni Caves*, Magofu ya Tongoni na *Saadani National Park*:-

Je, Serikali ina mpango gani wa kujenga kiwanja cha ndege kikubwa na cha kisasa katika Jiji la Tanga.

WIZARA YA MALIASILI NA UTALII:

63. MHESHIMIWA DKT RAPHAEL MASUNGA CHEGENI (BUSEGA):

Atamuuliza Mheshimiwa Waziri wa Maliasili na Utalii:- Migogoro ya ardhi na mipaka ya Vijiji na Hifadhi bado imeendelea kuwa tatizo sugu licha ya kuwepo kwa ahadi na kauli mbalimbali za Serikali:-

Je, Mgogoro wa Pori la Akiba la Kijereshi na Sayanka katika Wilaya ya Busega utatatuliwa lini.

**64. MHESHIMIWA GOODLUCK ASAPH MLINGA
(ULANGA):**

Atamuuliza Mheshimiwa Waziri wa Maliasili na Utalii:- Sehemu kubwa ya Jimbo la Ulanga imezungukwa na Hifadhi ya Selous Game Reserve hivyo kufanya Wananchi wa Kata za Mbuga, Ilonga, Ketaketa na Lukunde kukosa maeneo ya kilimo:-

Je, Serikali ina mpango gani wa kuwapatia Wananchi wa maeneo hayo maeneo ya kilimo.

WIZARA YA KILIMO:

**65. MHESHIMIWA PETER JOSEPH SERUKAMBA
(KIGOMA KASKAZINI):**

Atamuuliza Mheshimiwa Waziri wa Kilimo:- Bei ya Kahawa ni ndogo ikilinganishwa na gharama za uzalishaji:-

- (a) Je, Serikali ina mpango gani wa kupandisha bei ya zao la Kahawa;
- (b) Je, Serikali ina mpango gani wa kuwasaidia Wakulima kwa kuwapatia ruzuku.

**66. MHESHIMIWA PAULINE PHILIPO GEKUL
(BABATI MJINI):**

Atamuuliza Mheshimiwa Waziri wa Kilimo:-
Halmashauri ya Mji wa Babati inaidai NFRA
ushuru wa zaidi ya shilingi milioni 90 katika kipindi
cha mwaka 2014/2015:-

Je, ni lini fedha hizo zitalipwa.

WIZARA YA ELIMU, SAYANSI NA TEKNOLOJIA:

**67. MHESHIMIWA ZUBEDA HASSAN SAKURU
(VITI MAALUM):**

Atamuuliza Mheshimiwa Waziri wa Elimu, Sayansi
na Teknolojia:- Baadhi ya Shule na Vyuo nchini
vinaendelea kudahili wanafunzi pamoja na
kutokidhi matakwa ya Sheria mbalimbali:-

- (a) Je, Serikali inachukua hatua gani kudhibiti
Vyuo na Shule zinazoendelea kudahili
wanafunzi huku zikiwa na mapungufu;
- (b) Je, mpaka sasa ni Vyuo vingapi na shule
ngapi zilizofutiwa usajili kwa kutokidhi
matakwa ya Kisheria.

WIZARA YA MAMBO YA NDANI YA NCHI:

68. MHESHIMIWA MWANNE ISMAIL MCHEMBA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Hali ya nyumba za Polisi na Magereza nchini ni mbovu sana:-

Je, Serikali ina mpango gani wa kujenga nyumba za Askari hao.

V. HOJA ZA KAMATI:

MWENYEKITI WA KAMATI YA KUDUMU YA BUNGE YA MIUNDOMBINU:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Miundombinu kuhusu Shughuli za Kamati kwa Mwaka 2017.

MWENYEKITI WA KAMATI YA KUDUMU YA BUNGE YA NISHATI NA MADINI:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Nishati na Madini kuhusu Shughuli za Kamati kwa Mwaka 2017.

**DODOMA
05 FEBRUARI, 2018**

**S.N. KAGAIGAI
KATIBU WA BUNGE**